

天

真

閣

集

天眞閣集卷三十一

詩三十一

昭文

孫原湘

子瀟

彊圉大淵獻

古梅

性不與時悅又經冰雪傷支離遠衆好棄置顯孤芳儻入風塵  
目翻成世俗妝饗桐音盡識何貴蔡中郎

新年

新年旭日暢晴光春水將生綠上塘已見風鳥催轉酒尙聞寒  
雀噪空倉民貧自肅非關政俗薄能淳不在防只有向榮諸艸  
木依然得氣弄驕陽

梅癡

入市唐花次第紅獨無疏影笑春風芳菲見了何曾見不見分

明在意中

南枝消息杳難償苦似游蜂逐隊忙郤被翠禽應暗笑爲誰空立盡斜陽

斜陽紅戀水西枝人與斜陽一樣癡自抱深情難自解如何能遺玉梅知

漫愁闌後欠緣長玉蘂能消幾日香就便易闌難得謝何如不見耐思量

元夕漫興

閒中自笑野雲忙入畫尋詩到夕陽百鳥能言因畫煙萬花如寢恃春長明駝遠遣瓜州戍白馬頻興瓠子防憂國感時無限意滿城燈月正輝光

扣招真治不得入登高望梅萼

丹房深鎖白雲幽纔許銀牆出一頭西子肯容窺半面東風何惜射雙眸事須難得方饒昧春在無言祇益愁猶喜滿枝紅豆小清歡畱取後緣酬

花朝松陵道中

斜風細雨木蘭船不是懷人已黯然歸寢一條烏龍水春愁萬頃白鷗天情緣有著都爲累身到無聊只自憐红豆已乾青鬢改爲誰悽斷似當年

向晚推篷瑟瑟塵嫩寒輕襲敝裘身百花生日偏爲客二月東風太惱人鄰邃忽驚清寢破郵空想濁醪醇可堪一葉煙波裏悶過江南最好春

茗谿舟次遇平叔官保弟時方平定臺灣逆匪入  
廿年蹤蹟判雲鴻相見吳山越水中憂國漸看雙鬢白論詩觀

猶戀一燈紅花迎旌旆朝天路浪息鯨鯢定海功香雪滿篷同  
賞雨連朝飄藉石尤風

南田秋海棠小景

一絲清氣九迴腸天與幽情壓衆芳十二珠簾風蕩颺無人不  
道木犀香

惜梅吟

于役苕谿往返十日抵家梅藥殘矣急扣招真治零  
玉在枝狂香滿屋重門如水明月自來與一二素心  
人徘徊花下人戀花耶花戀人耶人與花相忘於月  
之將落月與人又相忘於花之將落也

日日待花花不開花開我未扁舟回扁舟回花已落煙霏霏苔  
漠漠急攜素心人來訪羅浮仙花雖飄零情可憐有情無情仙

不老欲飛不飛看更好花待人歸落故遲人道花開猶太早枝  
上花花下人人意態花精神將花傲人香將人傲花語人竇自  
香花自語只在深情能領取誰家玉邃吹瑤臺夕陽辭去明月  
來花浸月今波瀠洞人攀月兮雲徘徊東風來搖花不動人與  
花枝同入寢

海運四首陶雪汀中丞前輩潤屬和并序

海運行於元代自明永樂間會通河成遂改河運道  
光甲申之冬高家堰潰洪澤湖經黃水灌入運河無  
來原反借黃以濟黃遂淤塞朝議以蘇州松江常  
州鎮江大倉四郡一州之漕從海運中丞實主其事  
乃雇募商舶由吳淞口至十滧余山放洋不兩月而  
抵適當事以爲有神助咸著歌詠愚則以爲海運誠

利而糧艘不行運卒失業此可喜彼可憂也謹次原韻竊申頌不忘規之義云

重臣奇策障狂瀾將吏都從壁上觀滄海漫誇行地穩黃河更比上天難煙開三島青螺認風送千艘黑豆看聞道神倉需玉粒未嫌冒險達長安

元明舊蹟本迂疏沙綫新開爲國儲直賴旁門資轉運暫紓正策議河渠更傳鼈鼓趨皮島險避鷗游達尾間幸喜絞官潛颶母靈旗五色迅吹噓四府一州漕撫  
五色旗別之

丹詔疇咨屢下宣東南民粒念艱鮮鑿潭未決葦堅議通漕難憑杜預賢淮北暫停流菜堰河陰空歇上門船諸公目覩承平久豈有鵬溟伏水仙

聖代威靈海若從禹程碣石導從容轉般且緩籌中策

中丞詩於袁浦

建轉般倉折納何煩改正供

先是運不通

改用折色

赤子清時愁失朝議以漕

運不通

赤子清時愁失

業黃流濁浪肯朝宗轉輸四利分明在努力宣防仗協恭

### 玉蘭花下

寂寥庭院寂寥人澹蕩情懷澹蕩春晴雪獨欒香世界東風雙鬪玉精神品能殊俗孤逾妙語出同心少更真有盡時光無盡意畫簾如寢雨如塵

### 落梅識感

飛瓊標格雪聰明身世淒涼玉篴聲疏影難敎留逝水深緣翻恨種前生拾來殘片都成淚攀到空枝亦有情願得化身爲淨土護持飄泊受香清

### 三月十五夜

綵雪天上本迢迢與月同來不待邀詩透聰明春有氣語傾肝

瞻夜無聊人真永好顏何駐仙若多情鬢亦凋門外桃花三萬  
樹東風吹落已如潮

婉卿畫梅

偶然游戲寫橫斜打破虛空障眼紗多少學仙求換骨十年辛苦  
吟桃花

雨泛

畫舫笙歌紫陌塵無端風雨惱良辰蝶羣顛散千家粉鷗寢空  
搖一鏡春寂寞園林花滴淚參差樓閣柳含靄誰知清曠煙波  
裏別有高懷澹蕩人

新晴牡丹下

置汝在瘠土況經風雨斜如何開爛漫倍覺氣高華光燭足四  
照色香空萬花天公知護惜特地放朝霞

重過婁東陸氏靜異堂

鴻迹常存寢追尋轉惘然童皆戴霜雪宅未化雲煙每憶元長  
契深懸越石賢忍將懷舊淚灑向酒尊前

被酒辭人邀觀牡丹

閒情不諱是清狂消得瞢騰醉幾場飛絮池塘風有致落花庭  
院雨都香機心忘處知鷗適色相空時笑蟾忙已是綠陰成世  
界眼前何忍看春光

畹卿畫梅第二本

公然放筆便縱橫漸悟原從頓悟生解識羅浮真寢境最饅餉  
處最分明

有遲

待來何事郤忘來寂寂梨花委碧苔大地片雲何處所中天孤

月自徘徊春深易感懷人淚海澗難容玩世才惆悵蓬瀛原咫尺郤將清寢寄瑤臺

春盡日同睂叔

陡覺園林事事非祇餘濃綠染輕衣萬花得意先春退一蟬無情背樹飛碧落原知來處近美人終苦見時稀清愁小立東風裏珍重簾鉤夕照微

有懷

清歡已惜墜如塵小別那堪又積旬芳艸亂於心上事飛花渾似癡中人升沉總作諸天想離合原關宿世因一笑未妨千里隔本來明月共前身

喜晴

百花枝上百禽鳴不分晴時恰恰晴得意每從無意得生香何

況異香生風來物盡翩躚致雲過天猶濶灑情最是倚闌看不厭額黃安上素蟾明

春去

早識消䰟在此期玉梅轉眼已酴醿風嫌信密成催促雲苦晴多易合離惆悵自憐無益事聰明難諱有情礙孤懷屢下傷春淚除是青天月得知

贈別友人

輭紅塵窟太紛紛不信人間尚有君自說前身是明月每看卿相若浮雲眼空世俗情難合緣到神仙手易分從此料無相見日一尊須醉趙州墳

拈花微笑兩風流香嬾親呈玉觥幽食蓼不言貧一字吹簫自吐氣千秋心靈易涉情天障骨秀難禁濁世愁除郤愛恩君父

外未曾輕易肯低頭

咳唾明珠絕世珍看朱成碧奈風塵石中儘抱無瑕玉天下難  
逢有目人寫得梅花爲小影捉來柳絮問前因國香零落尋常  
事自怨孤芳莫怨春

長爪通眉小謫仙來何遲也去飄然子房隱忍求書日公瑾風  
流顧曲年北阮競誇衣服麗東鄰方騁笑顰妍從今莫相權奇  
骨老去孫陽只醉眠

收起西軒絕調琴河嗚咽送知音淚非秋雨驚天破愁共春  
花葬地深四野鳥羣飛白項一城青眼識黃金牛醫兒去成孤  
立正恐冰壺失此心

眼中雲樹掌中杯風逐離亭莫漫催事到難言拌一醉語畱不  
盡待重來多情何苦生斯世薄俗焉能著此才最感郭魄臨別

淚階前三尺卽金臺

吹斷瑤空百丈絲緣慳何似莫相知千春流水漁郎櫂一現瓊  
花后土祠好出阿私從客謗生無他憾識卿遲拌將游蕩天涯  
計會有山陽再見時

江干立盡雨黃昏渺矣雲帆水上痕月掩但閨圓扇颺風來疑  
有落花竄鳳凰已去臺空在鸚鵡能言事莫論剗卻南山作平  
地如何剗得此愁根

題畫

翠靄迷離雲缺處山窗飛入一樓詩松花埽罷日無事靜閉煙  
蘿拜大癡

爲婉卿畫梅

深雪巖坳臥古春孤懷祇與月相親紅情如火東風裏何處桃

花不有人

林研莊石湖漁隱圖

隔湖老雀聲相呼明月出水招林逋此時若不掉頭去梅花笑人仙骨無瀰瀰秋水浮天處人在白鷗天外住萬頃煙波不費錢一竿以外無家具我亦思量乘素濤香蘭采采讀離騷與君濯髮湖中水同聽仙人月裏簫

翁穆齋秀才榮光喬居震澤三世矣追慕先澤來遊故鄉作琴水尋原尚湖鼓櫂兩圖乞題

墜葉忘故枝流泉味原鑿載詠述祖詩高意回俗薄游淵食鱉紓循谿玩廻絡一襟飛翠寒不忍拂雲落

春水如天碧垂楊拂水低錦峯無限好偏落尚湖西人影白鷗識詩情黃鳥啼畫眉橋外畫同此綠珊瑚

寄題翁秀才荻塘茅舍

一港秋聲戰荻花三間茅屋鎖烟霞何如笠澤茫茫裏逢著梅花便是家

題楞伽山人詩集

海內文章孰主持矮王聲譽動京師雄譚舉座傾同甫盛氣登牀喚挺之調苦尙參臺閣體名高不作女郎詩分明屏郤鉛華御自諱阿婆年少時

題扇頭雪梅小景

天公一夜散天葩凍壓千林玉樹斜修到和香和雪住也應風骨似梅花

夏白同婉卿子勝遊小石屋

山遊如行文取生不取熟偶偕生客來不厭熟徑復溽暑雨乍

收山容變新沐登陟苦蹠煩入洞轉瑟絲造化禪神境顛倒世涼燠驕易不敢窺石氣聚寒綠非秋露垂珠潭響妙明觸空翠不可擯生香自盈掬

客遊意殊悵我亦爲欣然客心非我心欣厭胡相牽意得不關境心向乃由天乘茲清晷永歷景周奇妍孤花慧相照潛羽習亦緣忘遠隨趣深窮幽發情堅天機妙相印所性應無遷相期出世心來此求飛仙

逃暑鐵佛寺戲題

處處鳥鳴噪綠槐偶尋禪窟避塵埃無端古佛身邊臥又惹黃金色相來

聚鐵當年鑄佛難佛心應悔耐清寒不如湖上秦長腳消受紅男綠女看

畫梅與僧示以禪理

梅花落已盡疑有梅花在  
花不可招招此初春痕生香  
紙上覓紙上梅花只如鬼羅浮  
自在方寸中著迹求之胡可得  
筆墨之外無何有之鄉花不落  
今月自香解人勿與春商量

徐賢母操

徐君祿昌狀其母夫人蔣氏節行乞詩爲采其大者

著之於篇

東海有賢母三十窮而發上有衰姑章下有善病兒辛勤出十  
指俯仰供餧飽何用採作薪自拔園中葵十指血滲澀地飲人  
無知窮陰天沴雪三日封茅茨嬌兒啼門東掩淚不忍笞自顧  
手中綫不救眼下饑有婢老赤腳踏雪窺東籬云是富家奴奉  
命來餽遺探懷出精鎗餓眼光陸離可備一月糧且得食肉糜

再拜謝夫人義在敢以私雖銜濟貧德不受無名施破窗風澌  
澌積素堆屢覲者歎息去饑者日困疲嬌兒啼門東掩淚不  
忍笞教兒忍寒餓且讀衡門詩

畫梅與子勝兼寄琬卿

拂拂香生碗底春自然風韻出天真如何學到梅花地除是梅  
花一樣人

冰雪聰明致不同幾曾輕易笑春風誰知一種溫柔意卻在天  
生倔強中

畫梅須淡始精神一著濃姿便失真寫到空靈無迹處不知誰  
是九方歅

一聲玉邃海天涼鉤取花覓那得香聞著空濛幾枝在待伊相  
見細商量

朝鮮使臣申紫霞尙書緯詩爲周菊人學博達題

鴨頭春水綠浮查染就雞林十色霞偷得蘇齋

翁覃溪學士齋名

臨米

帖局堂跋腳屨中華

酒月衣雲足唱

乾隆時使臣朴齊家有人靜雲從衣上儼然  
酌住窗虛月在酒中行之句日下傳誦

彬罕兩風流碧蘆方

紫霞所居大飛下金剛一角秋金剛山名與長

白接壤紫霞嘗繪圖贈菊人

秋曰過半野園小憩簡鹿樵

周遭樹石繪秋痕借取青蒼北麓根雲抱山來疑在屋竹環水曲自成邨樓臺恰喜無金碧花木應看到子孫畱得俸錢營五畝名園雖小是君恩

小石洞瓔珞瀑歌

丁亥七月廿三四日風潮歷兩晝夜大木盡拔既霽

泛舟山塘楊柳之合抱者根悉偃仆遂至小石洞聞  
洞中雷雨聲甚厲循級下數武則流珠撲面石壁上  
如瓊瑤百道下注潭中碎筍鬱律洞有石觀音像就  
蒲團小憩眼前如一座水晶屏矣凡瀑都會澗而赴  
壑故望如布此獨從石脈中流出至突處乃成懸溜  
莫能辨其來原突然懸數十竿銀竹尤奇絕也然非  
秋霖三日猛不能邁此奇觀秋則石理鬆猛則泉脈  
溢也予自兒時至今歲三四至石上點滴如露珠未  
嘗見瀑乃知造化靈奇曰闢而不窮特人不遇耳自  
古魁人傑士殊才異蹟非其時莫顯平曰固以爲常  
人也因名之曰瓊瑤瀑并系以歌同遊者邵媚淵懿

外孫

元標

兒

文杓

姪

文枚

道光七年七月廿六日記

石壁天然無縫鑿忽迸千珠萬珠落洞中菩薩現神通彈指虛空挂瓔珞天無片雲雷雨作日光熊羆電霍霍青蓮座垂水晶箔七寶池翻玉花萼雨非雨兮瀑非暴雨不自天灑無窮我聞香爐峯下三壘泉龍湫十里噴晴煙大觀絕特原可辨未若翠壁倒挂銀河天乾坤何年闢靈宇石骨聰明疏石縷泉從石縫迸水銀萬派千流此一聚白龍潛伏不見形但噴明珠弄秋雨我生於此百度遊習見露珠涓滴流忽逢靈乳五百道奇景愧未詩囊收此泉若令出山去霑溉萬戶餅餽求亟爲作歌告來者勿以熟習輕凡儕大人未得起屠釣焉知經綸雷雨灑神州

楓林下作

孤負濃霜染畫圖深黃淺紫半彫枯青山也似衰頹甚羞把紅妝媚老夫

滄浪亭自康熙時宋牧仲中丞

修葺

後閱百五十年

矣今方伯梁茝林前輩

章鉅

於道光四年陳臬吾吳

遊而樂之繪圖題詠閱二年來任方伯乃葺其頽廢復還舊觀徵詩以紀其事夫地有勝蹟猶不忍其湮沒因而復修之則其他政事之間有廢墜宜何如也邦人士之歌詠其能已乎

長史園亭七百年濯纓清沚漾淪漣三千儘有新詩料四萬原非故紙錢棋落石枰聲宛在簷窓花徑迹依然錢王富貴嘶玉業輸與騷人此一椽

疏泉疊石費平章競說風流宋漫堂四面亭臺三面水千春花木一春香煙雲映帶南禪寺甃屢流連北海觴自五十年興廢事扶輪重又見歐陽

方伯經綸未展籌鴻才小試此林邱亭荒似惜人材棄地僻重  
將隱逸搜遠近悉黎資保障東南財賦竭征求料應早入旬宣  
計一廢能興百廢修

政餘重此駐襜帷小志綿津手自隨東墅湖山謝安石南樓風  
月庾元規清吟得意遊魚聽紅旆前頭有雀窺一片滄浪激徹  
底使君心迹似明漪

書眉叔問月吟後

淚灑秋風溢絳河滿身花雨拂還多可堪落盡仙蓂後癡對青  
天望素娥

殺花風裏證華嚴淒絕還將落葉拈郤下水晶簾一扇舉頭何  
忍見銀蟾

看作文妖世眼驚鐵崖衣鉢玉笥生除非喚起芙蓉頰自有清

臚識長卿

易米券

徐子安槎工寫竹以竹易米以貸窮乏畫成輒署曰  
易米券爲之作歌

臨淮指囷囷易空臨河貸粟粟易窮管城子有爲霖功祇須變化成籜龍東家索飯啼西家無衣泣安槎枕上聽不得急起濃磨三斗墨仁人之粟恃筆耕虛堂謾謾風雨聲不學文與可渭川千畝腹自果不學夏仲昭比金一鋌家自饒九龍山人不受惠區區簫材竟何濟東坡先生償吏逋德澤亦祇被一夫君今畫竹非畫竹紙上分明天雨粟握粟在手竹在胸勝似開倉廩千斛十竿五竿寒者得之而不寒千个萬个餓者得之而不餓乞米不必魯公書乞食不必如來鉢人來求畫日踵闈霜毫欲

枯腕欲脫君腕脫人命滯安得君生萬手日畫萬竿竹萬籜炊  
煙一齊綠

崔守金銘

晴雪萬樹輕煙半扉之子獨處寒香療饑沉觀卽是求之愈微  
澹入太古靜流天機如有佳寢明月在衣石牀閒雲與崔忘飛  
仙樹夜嘯珠塵暗霏間之堯年碧空依稀

晉書樂府

兩名言

江東旣定一統成升平盡撤州郡兵修文偃武豈不善所惜未  
用秦長城徙羌馮翊漢失計徙氐秦川魏非利滋蔓誠難倉卒  
圖養癰况逼關中地兵彊猶可制國弱彌生心魚羊食人紛內  
侵終晉之世干戈尋貔貅空豺虎奮將率疲士卒困大好金甌

裂寸寸一思兮山公言再思兮應元論

雉頭裘

交龍門鳳非常衣殿前一炬雲霞飛侈心一萌儉德弛宮女如花五千至阿翁羊車竹葉招新婦犢車小史邀天官夜藏揭粟鬼玉杵千錘遺孫慮惜哉焚裘不焚搥

金屑酒

癡龍但知食肉糜龍子棗酒三升逃掇蜂箒大計雖就聊狗腋下戕牝雞目瘡庸奴據龍座縱橫狗尾參龍墀龍旛一噴龍族怒骨肉毛血風交馳金屑酒斟滿卮飲賈時飲子彝循環天道公無私

銅驅歎

睡獸子孫七帝終四十八王龍種空天子在何所瀉池豆田中

黃袍脫卻青衣充青衣行酒且勿哭執盞更衣愈羞辱前庾  
後辛賓碧血濺地艸不春銅驅穩臥荆榛

牛繼馬

一馬化龍羣馬死白版公然作天子黃河剗斷小乾坤新亭花  
木空曉痕外倚股肱逃與琨內寄心膂導與敦王與馬共天下  
老驥垂壺聲暗啞牛繼馬得天下小吏銅環事真假不見大賈  
小兒六合臨天之所授由天心犧尊鳩羽空冤禽

羊羣奴

紅日壓城城欲崩真龍魚服來窺營白犬噭賊殘鼠驚黃蠍潛  
裏戶如冰龍韜獨運摧枯鯨莽卓首懸南桁分江擘漢區  
英以弱制強明果明巴滇駿馬萬乘輕豫且幾困神龍行若非  
一鞭留七寶黃鸝何處潛龍好石窮應封賣食媼

征嶠并

八齡天子龍牀坐政出渭陽不由我歷湯凶爛燒着天墮下困  
龍倉屋鎖下領軍青鎗燭桓內史宣城亡義軍累戰累不捷賊  
埽官軍如埽葉不是天誅授兩矛那得賊墮馬下頭誰生虜啞  
橫挑虎虎來倉黃竄如鼠舟中君臣共嗚咽司徒覓取蘇武節

康穆哀

立始之際邱山傾白紗帷中帝二齡桓家英兒喟毛礲指麾誓  
埽中原清朝廷戀小棄河洛神州復陷叢榛荆千齡辟穀求長  
生秕糠國政委女星匆匆二紀歷三帝內賊外寇紛侵陵咄哉  
淵源徒盛名

牀第誣

世間冤事那有此天子被誣及牀第宮中未答郭芝奏殿上已

收昌邑重淅淅復淒淒白恰穿單衣步出神虎門萬衆爲歟  
妖龍口銜長信書蘇文誰遣來突如李兒征戰軸脫車子不可  
育內可寵田家孟家左右擁天闔中有信陵君終朝酣抱湯臺  
雲

報獻流

鳴鼓角馳轡車服奸雄神湛如揮玉麈譚元虛自呵衡登乘輿  
政由桓祭則子詠闡詩泣霑裾祝莽冕從區墟生不足靈有餘

清暑殿

纖兒好佛兼好酒姐母尼僧皆翫友梵王之徒喋喋口相王左  
右飛覆手彊氏運丁百六秋一舉挂旆天山頭如何家居處半  
壁更復撞壞不可修長星勸汝急修省汝勸長星共酩酊小星  
夜半抱衾來清暑醉覓長不醒東錄西錄似長夜不間官車何

晏駕不見民間歸罪趙昭儀昭儀自殺昭陽舍

晉祚盡

昌明之後有二帝晉祚懸如一絲繫艸間已起斬蛇人第下猶爲射馬戲初陷尋陽城再陷桓振營兄終弟及徒虛名金刀殺馬兆已成桓家小兒猶是賊寄奴王者勢更逼韶之淡之相繼來被底冤竈一雙泣追思三馬食槽時求作陳畱胡可得

墮淚碑

饋抗藥飲抗酒華元登牀子反盟樂伯獻麋鮑癸受三代下無仁者師以德服吳吳服之屋室曰門曹曰辭鐵鎖沈江水龍渡誰舉阿童與武庫天子歸功羊太傅峴山碑高似山行人過此涕淚潛輕裘緩帶雲中還

女史箴

南風熱煽蝦蟆聲彌縫闇虐忠誠一簾能戢後宮燭不能光輔前星明或言受命爲阿衡佐儲廢后金墉城不聞宣曰黜褒姒敢以鸞拳之禍貽申生或咎戾園巫蠱成冤逾楚建不死爭祝佗申刺事何益春秋不以責晏嬰丹心痛遭豺虎瞋驕虞已亂誰其人烏虞騶虞已亂誰其人楚王璋之亂華自  
帝以驕虞幡解兵

撫牀奴

借艾軍共擊會乘會亂并襲艾彼反者由自敗此何辜橫罹害帳下黜江由辱此榮晦卽田續殺人自殺如轉轂以手撫牀禍機伏

兩玉人

朗如玉山裴叔則玉人照見人肝膈充也營營蠅止棘會也森森樹矛戟夷甫平生未相識後來更有羊車人珠玉昭耀四座

春微言能使將軍親甚感將軍歎賞真將軍意氣非純臣

疾遲畱

恃功矜爭功忌渾非鼎鉉才濬亦瓶磬器渝渝南箕更有濟晉  
范文漢馮異有勲不伐勲豈廢前驅託疾轉後塵吾思彬也何  
彬彬

寧馨兒

寧馨兒右手捉玉麈左手秉黃鉞尻背巖牆求苟活平生不識  
阿堵物狡兔如何有三窟第三既不減第一亦輕脫阿澄玉枕  
阿敦奪一世龍門醉兀兀

廣武歎

豈不逢堯舜何如一醉昏一醉六十日世事莫與論驅車廣武  
原莽莽風雲屯龍虎不復鬪豺狼恣井呑修士握圭璧譬若蟲

處禪白眼看卿相青眼看乾坤

餒竈客

何所聞而來臥龍不起雄心猜何所見而去龍性難馴殺機寫  
日影西琴聲淒絕巨源嘶孝尼山陽遠聲枉相弔不聞蘇門山  
中鸞鳳嘯

華亭崔

失計乃與天子戰十萬口橫七里澗燒車黑幟決不開三株玉  
樹同時摧芝蘭秀江東入洛遭嚴霜秋風凋萬木何不思  
蘇上蔡大華亭崔貉奴作督睡如貉身出將門無將器寶刀霍霍  
急殺超江東司馬眞人豪

詐遁書

作宦拙賦閒居作宦巧構遁書野鷺西來化封狐磨牙齧人憑

虎羆白頭老母壽觴竭擲果佳兒但乾沒秋興堂空散秋雪巧  
宦到頭轉成拙

金谷怨

以珠易珠珠獻媚人來奪珠珠自碎郿塢飛灰艸不春兒吹橫  
竹遊青燎珠竈化作天上月照見琅琊小史骨

二十四友

司空府有狐狸蹤生兒綏綏嗣魯公延賓東閣氣如虹道旁拜  
倒岳與崇二劉二陸人中龍泰始一斷張華王戎衍從惜阿青  
鬼吹腥風一杯竟兆前星凶朝衣上天血鑿鐘二十四友如秋  
蓬

枕戈行

城頭嘯聲月光黑城下賊羣秋雨泣時來自解白登圖事去難

逃廁門熟脣間佩刀霜一色誓決讐頭聰與勤惜哉壯志無壯  
力二虎未除一羊逼獨惜鮮卑奴操戈及同室子卿節旄空報  
國何似枕戈同殺賊

擊楫生

大江擊楫氣如虎黃河以南復晉土恩結降人威塢主白骨重  
生赤子舞戰馬飽騰蛙怒伸誓埽冀朔清煙塵廣陵遊俠彼何  
人來統六州麾我軍外寇未平內難作妖星夜懸將星落遺恨  
長江波漠漠

劉征南

酒齋中酒聽事將與三軍何得異米三萬米五千天下一家何  
所偏恬波沸海中息祲稽天際亟表泰彭功深結廩縮弃力驅  
豺狼拔騏驥朝廷沾沾慎名器十郡焉得十女婿

讓殊錫

破張昌擊杜弢長沙授首臨賀逃斬蘇峻斬郭默西賊聞之咸失色元規腳屈元舅崇茂宏顏赧蘇卿忠將軍功高淪鼎莫將軍力辭履上殿臣如手足勤與雄陛下何以酬臣功公之謙退有若此人言公如臥龍子奈何誣以鍼決指寢登九重折翼止自來功高受謗深刺通相背韓淮陰

絕裾客

西晉銅驅陷荆杞太原書生絕裾起青州猶大狂滔天神龍被困如鯀鱣身騎猛獸豈得下義旗一指回羲鞭淺水抱龍龍躍船四海歡動龍輿旋將軍屢試不測淵將軍忠武旋坤乾不見手版擊鳳鳳墜歐刀削敦敦像碎能陸屠狂冠如鯨鯢不能水剝幽怪如掣犀

入幕賓

大將軍帳風揭開帳中有客鬚子思毒兒能令公喜怒門前立殺王文慶利口喋喋雌聲牀夜半勸廢昌邑王天奪桓臂傾智囊空傳門生書一箱阿翁請勿憾鼠子但憾此兒不早死

殺伯仁

殺賊奴取金印此非醉言實正論人主安得盡堯舜人臣豈可下犯順晉易之甲胡爲來石頭之城胡自開猶稱大義能滅親伯仁容卿卿不容伯仁宜三司置默默應令僕置默默賊不殺仁殺仁賊誰司管鑰延賊鋒司空議雪旌其忠

省刑疏

中興初建粃政作郭生上書言獄獄極論刑爲禮糟粕至理精微徵素學員策智骨道義門以吉與嶠凶與敦陰折逆謀褫逆

覩抗節豈以房竈論不幸轉緣伎術神銜刀被髮如章陳胡不  
棲心物外全其身羅浮山頭彼何人

東山墅

望甲仗拜元子過戶限折屐齒公矯情公才能不見泥獫窺覩  
九五器談笑燭奸沮其計大羊入寇百萬師從容布算如舉棋  
東山高臥東山起所惜輿行十六里鳥肆太傅亡晉祚衰東錄  
西錄皆纖兒家居撞壞誰檣持

淝水捷

世閒勝負不可知八萬衆當百萬師背水陣操必勝算不善學  
之軍便亂臨終語捫蝨翁臨事諫楊平公東來老氏就鋒鏑帶  
箭往伏饑虜側僕射幸免秦庭泣紫囊少年緩轡前樂觀將士  
相周旋風聲霍唳人耶天

半人謹

河內縣覲玉宸作春秋齧奸否削魏統與蜀紀蜀國平漢祚止  
漢之亡晉之始正統論不易理予奪權微顯旨此半人習鑿齒  
蜀書寇魏天子彼何人號良史

晉陽甲

相王沉醉百不理國權盡委王家婢渭陽館起晉陽師兄弟橫  
尸謝簡子一舉嫌震主再舉疑不臣長塘湖中葦席下乃有雀  
鑿神仙人斜絹書旣不信參軍言又不聽平生誤讀春秋經但  
知王命討不庭

握節死

何郎似舅不似舅力拒不臣臣節守義旗一舉克三城紅日墜  
淵能引手英雄潛結艸澤中藉手共彎救日弓若令南郊艸禪

詔勸進未必安城公不見江州之敗檣櫓滅將軍臨難辭氣烈  
兩手堅握蘇武節

侍中血

以臣犯君蕩陰戰三矢飛來集帝面侍中一身當萬箭御袍血  
污桃花片桃花雖乾紅不變見血猶如侍中見嵇侍中中散子  
子爲國殞父讒死營陵孝子攀柏號眼淚著樹樹盡焦一生西  
向不面朝

木石兒

鋪鯈引鯢鷗躍絕技炫人人喜樂河女歌小海唱長嘯驚人人  
震宕心如木石身溺沮乃以奇詭誇公闇雲霧杳冥雷電發變  
幻何以殊丹珠不聞蘇門山頭鸞鳳聲籍也問默不應康也問  
默不應

歸去來

韜爾光遁於酒藏爾名託於柳琴一張米五斗歸去來吾苟有  
羲皇之民耶桃花原中人耶四時易秋萬物自春爲喪天之醢  
雞勿爲衰世之鳳麟

贈蔣潛懷秀才志凝卽題其近稿

揮手黃金盡蒼茫獨立時蹟還隨俗混才不受人知聚散浮生  
定升沉大造私且攜冰雪卷熏向玉梅枝

小喬

畫橋西畔小喬家窈窕文窗拓茜紗七十鶯鶯回抱水一雙蝴蝶  
並頭花纖脣支倦停朝雨濶臉呈羞接晚霞寄語蘋磯須努力  
盈盈璧月好年華

澹懷攜酒雙紅豆齋邀同諸子歡飲極醉放歌

朔風如虎徹夜鳴起來失卻山半城珠林懸圃作我室一條深  
巷無人行有客大笑騰春聲手提玉醪香滿兜酒人聞香自腐  
集對此玉戲飛瑤觥男兒三十不快意速營糟邱自爲計醉看  
萬物皆有情醒對妻孥亦何味老夫當年偶遊戲誤踏玉堂三  
尺地了無功業補蒼生何苦文章博高第諸君努力各盡杯眼  
前卿相皆凡才吾曹意氣務冷落不貪金印貪金鑿置身冰壺  
中四顧無纖埃珠簾垂而自天玉砌疊而成臺虛室不夜明月  
欲來空谷忘春梨花自開此時不飲胡爲哉頭上白髮將人催  
此時不飲胡爲哉

再題眉叔詩贋後

平生我亦有廩辭一字吟成淚萬絲閒煞人間兩首筆浪將心  
血寫相思

眼鏡銘

目若掩光始斂恃爾明者蔽於遠

茶船銘

不水浮翻水載疇其造此濛羽翼

天眞閣集卷三十一終

天眞閣集卷三十二

詩三十二

昭文

孫原湘

子瀟

著雍因敦

元夜梅花下寄所思

良夜共千里纖雲空一天花調風有味人伴月無眠翠羽齊成  
昔素書疑化煙明知枉惆悵其奈思纏綿

十六夜

大瀛散凝寒  
陽氣入春婉  
良宵發奇懷  
名理赴幽深  
早梅弄餘  
清庭虛散芬  
滿明月欲下來  
疎影忽遮斷  
高情在有無  
神光乍近遠  
九霄空片雲  
宕飈一珠緩  
清輝戀人衣  
心長惜漏短  
何當抱雪眠  
塵寢海香幹

賞梅鹿樵半野園同湯介人觀察

藩

言泉雲大守

朝標

次舉雲韻

濛濛玉灑半含煙四面生香拂綺筵趁雨未來容飽看與花成  
約有深緣倦飛共作雲林鳥渴飲同烹雪竇泉努力芳時須盡  
醉瑤臺轉眼是瓊田

送介人觀察解組歸南豐

春水方生綵鶴還看花一路達鄉關交韓乍喜鷗盟洽借冠猶  
思馬足攀四海文名歐永叔七旬高蹈白香山他年想望停雲  
處只在匡廬九疊間

寢禪說爲友人作

天開碧扶地獻耆領穀華四照瑤雲千頃塵不著趺谷不漏形  
以何因緣而入此境金光舌受如沃醍醐定香眼受如被流蘇  
六通驥騁五行輪駕以是種種而證賓虛足登九閒神遊五嶽

直象精想各隨所貌是眞皆寢是寢還覺一枕禪心竹萌透縠  
喜故人至

片帆飛下楚雲東一笑蘭芬滿屋中握手乍看睂目瘦驚心祇  
道寢竈通韜關至性形骸脫緣定前生骨肉同畢竟相逢無可  
說夜分翦盡蠟燈紅

識別

不是離情動柳絲鉗竈已苦落梅時偶然好寢皆前定無盡良  
緣總後期花氣逼人成醉易雨聲畱客上船遲盟心各保貞松  
節眼底春光事可知

聽雨疑梅花落矣曉起視之如故

小樓一夜雨聲酸雪海香天事渺漫未意多情忘老去儘畱真  
色耐人看乍驚旋齊相思味似密還疎不盡歡珠點尙零風又

緊忍寒何惜倚闌干

招真治古梅樹有翠鳥如么鳳翩躚往來音極清越趙  
師雄所云翠羽啁啾者是耶非耶覩影聞聲觸予舊  
感已

天上應無此樂全一窯香玉一飛仙仙人穩住梅花裏但見梅  
花不見天

前身我豈趙師雄來聽仙音話晚風恨不身輕如一鳥雙雙飛  
入萬香中

忽潛聲影忽飛鳴啄玉吹瓊總有情人郤儘輸香豔福對花惆  
悵過今生

想到枝頭月似霜滿身雲裏翠衣香防他一縷閒情動抱著梅  
花癢海棠

春風轉眼玉霏霏花落何枝更可依一片淒涼情世界看伊忍向綠陰飛

紀梅花下賣柑者言

梅花香中有人語短布單衣負筐篋願花既開不復落玉顏常好珠常聚有客聞言笑且嗤爾之此願毋乃癡一花長占春世界萬花那有數榮時况經習見易生厭西施百歲奚足奇婉容謝客客無惱萬花那如此花好桃花有色不肯香蓮花雖香不久長寧使羣花勿姪姹毋令梅花有開謝羣花如靄匪我思與梅一心情獨私生不願千箱粟萬倉穀持籌日夕雙眉蹙亦不願身躋服腰圍玉待漏霜風利如鋸但願梅花照眼日日鮮一日便抵千萬年貧賤之樂如神仙

西師告捷擒獲逆裔張格爾凱旋誌喜

雪山南北亘烽煙蟻結蜂屯九姓連神策忽傳收百濟鬼方已  
苦伐三年龍衣賊定爲儂智大吠奴眞獻繼遷從此玉關邊幣  
罷好銷金甲事春田

朱鶩歌成競鼓笳生擒頡利出龍沙兜鍪不意遂虓將朱甲爭  
看縛夜叉性狡幾成營窟鬼謀深終獲跳梁蛙中朝額手如天  
福應笑珠厓昔議差

聖代遐荒列版圖誰容籌火起鳴狐九攻屢駭三城陷百戰幾  
令萬骨枯決起虜揚憑將畧窮追虎負仰

宸謨平生不讀班超傳威信如何萬里孚

徵調軍書絕域來頻年苦費度支裁憂邊誰上王丹麥助國方  
資小式財蠹政幸無加部屋蠭旂蠹得偃靈臺東南未被輸將  
困總慶西郵宿霧開

花朝梅花殘矣以酒澆之

寢入羅浮不肯醒輕雲偏攬思冥冥緣從盡處還深種香在空中更細聽癡抱鏡墮邀月姉妾猜環佩降湘靈明知紅豆重生少且向東風醉綠醞

鷺脰湖

風來東面我船東柔艤遲徊鳥逝風人在煙波詩澹蕩天將雲樹畫空濛丹霞孤落三霄外白鷺雙飛一鏡中泓著桃花浮宅去前身我本綠蓑翁湖心有張志和釣臺

西湖

三年不見西湖而重過依然西子妝一鏡光涵天表裏萬峯影涵水中央亭臺半沒王孫草花柳都成帝女桑恰似洗空脂粉黛單留絕代好容光

張生乘查圖

銀河何處好吹笙一葉紅蓮萬里行身出雲霄誇博望手攜星  
斗問君平東吳蓴菜鱸魚美西塞桃花白鷺明料理漁簍釣篷  
去煙波隨處是蓬瀛

沈石田太白山圖吳婿

來復

乞題圖後附裝題吳瑞卿

王叔明太白山圖詩

昔讀沈老吳生圖後詩句奇韻險摹退之令我神觀頓飛越如  
陟太乙中南支詩中之山畫中有三百年來落誰手豈惟不見  
王叔明那得一覩吳瑞卿朝來奇峯飛入屋眼前突兀秋空擗  
羣山趨拱左右峙聯絡一氣青纏縈天首樓閣綴巖腹樹杪明  
滅僧樵行白雲蒼蒼忽橫斷雲中似聞雷雨聲紙盈一丈勢千  
里奇氣橫溢觀者驚初看直道阿蒙筆圖窮乃見沈字出眼角

想無黃雀樵何況吳郎初入室畫時惠宗歲甲辰贈詩乃宏  
治春畫中山在詩裏讀其詩與畫不相屬何人連綴作卷聊恰  
似鳬脰崔脰續卷還岩堦剪另八九峯詩情直接去天三百青  
芙蓉

春盡日雨示張生荔門式

就使晴光媚猶驚節序更雨來花有刲春去樹無情寒燠天心  
潛盈虛物理平閒聽時鳥變吾自樂吾生

周菊人學博達齋中並頭蘭

雙笑東風鬪影妍冷齋春色耀青囊化工每作無心合尤物從  
來得氣偏漢室尹邢方避面趙家姊妹但隨肩輸他穩學問眠  
樣不羨池塘並蒂蓮

學博誦其姬人同心容易並頭難之句爲廣其意

無情香草兩相歡只當鴛鴦枕上看我是禪家須轉語並頭容易一心難

花能雙笑影團欒人怕香盟轉眼寒拈出文君琴上語一心修到白頭難

菊人題看山讀畫樓圖

王子卿太守所繪

君家九峯縹渺間纏櫻九點青螺鬟一厨煙雲好家具歷更青山更無數瑤窗晨啓列岫橫玉宇高展詩無聲嵐霏翠彩兩相射且讀且看雙眼明忽而遙山成潑墨疑是通靈性飛山淡者倪迂濃米顛天外空濛巨然筆忽而壁間衆峯立機山余山夜飛入橫者橫雲側細林紙上陰晴能變色樓中之人逸興飛但覺蒼翠滴我衣山非山兮畫非畫眼前一片皆天機子卿太守今元照點筆爲圖羅衆妙參透香光老畫神發舒塵韻新詩

君今一官匏繫閒日日挂笏看虞山僅中攜得家山在艤櫂扁舟圍泖灣

吳淞江工竣放水作歌和陶雲汀前輩韻

三吳巨浸尊五湖三十六浦皆尾閭東江更江久湮澠吳淞一水猶東趨自從江尾建橫牘謂以禦濁持門樞<sub>此胡</sub>被溢呼吸滯流沙不走停西隅西從黃渡東宋渡洪川成陸堪行車澇無宣洩旱失溉春農往往逃秋租使君特創撤牘議任湖來去如游魚萬民畚鍤五關月淺水百里成洪渠開濬取深不取濶疏通取直不取迂如人當食去哽噎吐納自爾充然餘農田遠近蓄洩利三泖上下歡雷呼吳民幸承

天子澤一州七郡期霑鋪明時首開夏駕浦引淞北灌歸天壠未規全勢通復塞爲魚之患誰其除後來忠介號專治亦未悉

奠民之居治求急效非久策不數十載終厥淤卽今吳淞繩深  
綠健鱗潑刺多銀鱸一江中通二江廢龍途易塞魚仍枯具區  
入海少門戶白茆劉港宣挑渝以淞爲網二川輔心胸漫滌除  
嶽崿七鴉許浦次第及靈源一氣快委輸幹支灤洞脈絡貫利  
溥江浙均涵濡公之神智越夏海置閘笑斥前人愚忍令澤被  
一方止治髮何吝千爬梳黔黎盡入胞與內畛域豈以蘇松殊  
會看仰體

九重意恩波滲漉東南區三江旣入震澤定修復禹績清扶輿  
登虞山望海歌呈陶雲汀中丞

海虞瀕海稱巖疆虞山雄鎮鵬溟鄉吳中羣山脈北走賴此屹  
立關門當諸峯岩崿鬱奇峻一墩獨聳凌瑤闕舊有見海亭明  
邑令沈宏彝建名望海殿猶雲開東角見滄海冥冥照國蒸天黃江從北來勢

湏洞海與東澑包鴻荒正當江海交會處怒潮百里聲雷硠波  
濤出沒諸島嶼白狼金鳳爭低昂十洲縹渺不可見但見一氣  
青蒼茫其間吐納賴諸浦如人噓吸通中腸自從白茆尾間塞  
水欲出口如搘吭幸遭鯨波不揚日早潮晚汝無披猖盈虛  
洩旣失備蓬壺倒灌誰能防使君惠民今鄭白獨屏騶從登危  
岡天池眺望非快目爲魚之懼心彷徨昨聞吳淞首疏濬蘆芽  
沮洳成汪洋三江門戶此其一籌畫分洩須精詳吾虞控扼乃  
北戶襟江枕海爲提綱願公繼起林應與海瑞雲卷雨鋪開新  
塘重來絕頂恣延眺四十三里恩波長海波如鏡海班謐億萬  
赤子歌豐穰

訪友人不值

思君一夜放靈槎見了還休各有家何似相尋不相見门前看

煞刺桐花

李生蘭齋下帷游文書院至山堂

埽郤嵐霏臥石牀便看人物似蕭梁一城氣聚孤臺秀萬卷風  
生六代香窺竹青燐憐苦讀諳松元崔報新涼詩成定博維摩  
賞澈夜文星照草堂

佳人

絕色非關學何人學得成睂長爭月秀氣靜與花清福慧修三  
世溫柔鍊七情未妨閒逐隊衆裏自分明

昭明臺紫薇花下同義人蘭齋子勝

荷葉雨聲催暑去芙蓉山翠湧秋來六朝襄屐推吾輩四海文  
章仰此臺令席恰宜閒散置熟花偏耐久長聞老夫跌宕如年  
少笑對銀蟾勸玉杯

題畫和張生荔明韻

亭臺高下碧靈瓏隔絕飛塵十丈紅一面青山三面樹秋聲蕩漾綠雲中

浦江方陳氏節孝詩

囁囁出出比鄰叫阿母酣眠聾且耄伶俜負母轡攸圖入火出  
火髮膚燎烏摩一歌兮女之孝伯姬硜硜未足效

親迎有期婿膺珍媒請緩期女決計疾其瘳耶我焉辟疾弗瘳耶我焉逝鳥摩二歌兮婦之義剔目房家孰難易

摩笄一慟誓將絶腹有遺孤苟延息一縷宗祧此顛蕪危如懸水苦嚮雪烏摩三歌兮母之節夏侯髮斷陶髮截

讀史雜書

龜茲生縛著勳勞圖書凌煙鄂與夔一戰功成歸繼父三軍令

出仰崇韜喜聞林伯平西虜訝許滇吾判兩豪但祝護羌諸將  
帥莫教邊馬渡臨洮

神醫久縱北溟鯤誰道遊魚脯底覓自願素車降輶道郤傳元  
夜奪崑崙賜書尙指三辰誓銜璧終希列土恩聞道漢家方受  
服早將不死待劉盆

安車迢遞入京師羽騎材官夾道馳祇謂受降羈伏念豈知執  
法戮昌豨設阱縱異長平慘投火終傷盪寇慈畢竟封侯真有  
骨奇勲萬里勒巒嵫

赴郡舟夜同蘭齋子勝

篷窗酒醒燭初昏殘寢逃離戀被溫水上雁聲知去艣雲中犬  
吠識遙邨裏年恰喜多攜伴嬾性猶貪暫出門共有清愁宜祓  
洗明朝傾倒菊花尊

秋晚虎邱同晚卿

何必龍湫雁宕奇不如奇士共遨嬉分明習見無奇處恰有相  
看不厭時山帶夕陽荒率畫水含秋氣性靈詩憑誰解識流連  
意暝色闌干去獨遲

畱仙閣同晚卿取醉

一樓風月酒縱橫倒卷天河玉盞傾燭影痕搖心蕩漾花香清  
逗語聰明七情總趁知音轉萬事都緣醉膽輕便擬別船滄海  
去手攀龍角聽秋聲

雨泊閨亭有遲不至

船窗急雨響瀟瀟鷗外風聲葉似潮知道漏天晴也未且溫  
感寢過今宵

篆煙心字裏寒香翦盡燈花一穗涼有約不來非負約蘭人今

夜作思量

春時雲汀前輩旌節蒞吾虞登山望海志在興復白茆  
水利屬爲作歌今公繪虞山圖自題一詩於上寄示  
索和有曰雲帆歷歷轉遼左又曰不信大海多迴風  
其寄意深矣次韻復呈卽題虞山圖後

面湖背海插西嶺山外山包東北境一墩高跨兩山間望海面墩而  
面雄奇恣遊騁石開劍閣聳地根水卷晶簾拂天頂峯峯作崇  
峯峯殊逼漢凌霄各森挺碧油之幢綠玉筠登山直登第一峯  
意不在山目在海潮音耳觀聞洪鐘南槎北槎一指竚萬里歷  
歷羅心胸綠洋黑水拭明鏡颶颶潛伏駒蛟龍雲帆澹青往來  
工磨斗墨水縮取危峯縹雲底畫外滄溟不可收書可憇可悲  
駛一百五島青芙蓉仙人遼海若招手金銀宮闈雖勞從急令

不死非徒鴻雪誌因緣直爲衰鴻憫勞止大人赤手援衰癃山  
川利澤興無窮黃鐘一鳴瓦缶和竊比作誦來清風

陳芝楣觀察鑾以牋降枉過贈詩四章并索拙稿次韻

報謝

使君爲政冠清時革白高蹤宛在茲西塞風雲東海月未曾相識早相思

分藩紅旆喜來旬僻巷青山笑似春羸得牆頭邨婦看朝衫野服兩詩人

老廢行吟戀釣竿忽來青眼索詩看裏中幾卷閒風月日減餐錢刻未完

新詩萬口誦尊前十色雙繪照四筵霖雨在山成底事祇應珍惜殘年

霖雨在山觀察贈句

芝楣以滻城南園謙集詩見示有感於嘉慶甲子歲舊

遊輒和二首

縹渺神樓在絳霄舊遊鴻雪事遙遙西園羣屐人如畫北海尊  
罍酒似潮礙屋老松應化石臥池危樹欲成橋青蓮一自騎驥  
去空向滄溟賦大招

謂味莊  
觀察

幾度攜琴枕綠眠阿戎忝附竹林賢

味莊先生招同吳穀人洪  
耀存兩前輩何春渚徵君

胥燕亭萬廉山兩大  
令謙集時予年最少高歌海上生明月小住雲間有洞天青鬢  
我方驚逝水白頭人盡賦遊仙樓空渡崔今何處悵望珠宮碧

樹嶺

南園一名藥珠  
南園舊有渡龍樓

李穀齋世倬小像鹿樵屬題

穀齋學畫學道子佳士相逢亦寫真郤笑畫師難自畫被人偷  
看李公麟

憑仗拈豪手筆工須看長活畫圖中只愁流落人間去團扇無人識放翁

小寒夜梅花開

不分開時爛漫開有人手折一枝來絕勝久別逢千里何惜遲眠看百回酒趁歡愁無定量詩論工拙便凡材從拌日抱花枝寢香雪窩中當玉臺

香瓊樓梅月夜醉歌

埽卻萬念一事無梅花勸人提玉壺酒星夜寢飛入口酒徒不待相招呼我期明月出東海人到樓頭月先在聰明本是月前身吐氣能增月光彩梨花之釀一石春醉不在形卻在神歡顏如天意如海攀天測海愁墮身愁墮身身不壞醉魄能逃萬縵外壺中蟻蝶自仙界蟬人富貴如蠭蠭不見虞仲翔命輕雀鼠

授遐荒不見盧中郎  
檻車械繫如牛羊  
雄雞惡肥斷其尾  
全生遁入酒杯底  
但令纖阿停御萼  
綠侍旁斗筈之臺  
一夕千觴玉繩斜  
飛兔腳旁醉鄉蓮  
特地長世上貂蟬  
若大癢山中酒人  
不適用

寒夜送別

醉中分手石橋灣  
香雪窯深自閉關  
畢竟癡冤關不住  
已隨箕月度重山

丹徒楊貞女詩

皎皎京口月湛湛  
中泠水有女操冰霜  
華年若桃李惄惄  
鳩鶡堅效寡鵠矢  
辛勤事尊章子職  
供十指白頭倚貞鸞  
忘郤嬃雛死如何  
九泉下催促成連理  
部裏無松柏荆榛發  
蘭芷白日不照泉疇  
與勒形史京口月中  
泠水丹徒縣登雲里  
父楊貞女

兵耳兵家女字農子作此詩者舊史氏閩厥幽芳詔來祀

冬臘晴煥梅花開至七分

未是陽和轉律時  
卻看繁榮已紛披  
發舒衆美愁先盡  
蘊釀餘芳乞緩期  
初月易升須易落  
新晴嫌驟不嫌遲  
願憑一夜風兼雪  
勒住瑤臺玉萬枝

詩成後風雪天驟寒

詩寢回時水潑衾  
獨颺如虎吼寒林  
郤憑西極嚴凝氣  
暫遏東君躁動心  
玉樹頓收紅豆小  
瑤妃應鎖白雲深  
從教勒住春消息  
雪海冰天緩緩尋

畱仙仙醉圖

水精杯小泛流霞  
酒力難勝倦影斜  
贏得一樓醒醉眼  
仙人頰上看桃花

楊忠愍公手蹟五幅開煤山記謫所苦雨述懷哀商中  
丞少峯元旦有感寄王鳳洲爲阮芸臺前輩元所臨  
得諸嘉禾謝氏者後一幅與霸州王遷書真蹟在錢  
塘梁氏已刻石芸臺取其拓本聯爲一卷藏諸焦山  
漢隱菴後仰止軒江都丁君研山淮爲刻石祠壁予  
從同年周松路處得見拓本輒題六詩以識景仰他  
日得拜先生之祠補書於眞蹟卷尾俾寒蟬秋蚓得  
附忠義之氣以傳乃至幸也

一疏忤權倖竄身洮水潛有苗七旬格無品一官卑民利開番  
徼君恩泣楚繫卽今楊父頌人摸鎖林碑

寰宇皆煙靄乾坤混不分欲披九霄語迴隔萬重雲草長逃當  
路山高障夕曛天河成倒注釣叟未曾聞明世宗自號  
天河釣叟

鐵石兩忠肝同嗟困一鸞黃沙埋骨白黑獄鍊心丹艷憶南冠  
共冤鳴北闕難秋風哀楚些此筆爲汎瀾

九死羣臣骨猶畱報國身中朝應復旦邊草又重春別幸存丹  
璞心期獻紫宸詩成告知已相約矢忠純

天下誰當任惟君與我能憂身閨柱石苦口暫橫稜情豈關兒  
女公在獄遂以女許婚公子忠還仗友朋無成事何益况是嬰青蠅

千秋兩忠龜公與魯公書浩氣龍蛇走丹誠裏踰餘長如玉局  
帶永鎮金仙居相傍霍銘石華湯愧不如

研山以家藏楊忠愍臨雲麾將軍碑不全墨蹟並藏於  
仰止軒與前五幅遂爲合璧復題一首

忠以書顯非所欲書以忠顯名所獨一文三詩一簡牘副以零  
縗恰成六藏諸靈龕圓怒狀大江爲壘山作嶺忠魂所在萬邪

伏桓元油具罔敢觸定陶鼎銘慚玷辱不幸曾入冰山錄

九香居卽事

寒宵載酒預支春恰有同時兩玉人鴻隱目無卿相賈鷗盟情比弟兄真戲邀明月來斟酌笑揖梅花作主賓珍重當筵紅爛影莫教惆悵昨星辰

寒夜梅花下竚月

連宵歡聚鬢成絲自笑聰明自得知人若無情方是福天如有好亦應癡便期後會終須別業種前緣未許辭清影自憐梅共瘦爲誰立盡月殘時

寫梅未了惋卿適至代余補花綴苔頃刻成四幅神致

飛動各系以詩

鐵幹虬枝凍欲僵著花何處費商量仙人腕底春風活潑頃刻瑤

臺月盡香

墨痕香氣半氤氳妙腕靈心向待君空裏著花三數點全身飛動萬枝雲

拈豪著紙便生香水墨都融雪月光天矯玉龍飛不去長留清氣在虛堂

蟠天際地萬枝斜枝隙還畱補月華一片空明香欲動不知是月是梅花

喜伯生至

乘濤載雪下楊子爲欠梅花數首詩只恐詩成君又去春風不肯到南枝

歲暮偶感

計相綸扉事協恭風裁羣仰大司農拒婚竟敢辭楊駿愛士偏

多好葉龍地脈漫籌金礦採天演豈水衡供中朝恩怨分明  
曰猶幸清輝照

九重

詔下倉皇北寺收圓扉驚聽候蟲秋西園賓客如雲散東閣勅  
名付水流萬里投荒巖謹重雙丁隨侍

主恩優白頭臘有彭宣在遙望纏天淚不休

久聞清節勵懸魚祇食先人舊德餘三百頃收駢邑地五千卷  
敝鄴侯書明珠薏苡謾空入鍾乳胡椒事竟虛一紙封條數椽  
屋比他天水錄何如

目無真鑒別羣材空負平津館特開漫信鬼靈爲異術誤稱仙  
客是奇才權尊自昔原招忌名盛從知易釀災何似模稜蘇味  
道一生安穩坐三台

唐張處萬造象題名小銅碑

大可二寸寬八九分許雙龍蟠其上額刻大唐二字  
負重在其下文曰天寶五載五月廿日上爲皇帝下  
爲一切蒼生七代先世今爲見存父母敬造阿彌陀  
像一鋪弟子張處萬一心供養背有鼻紐當是繫於

佛座者向存武林黃松石家王虛舟及其子孟堅欲  
豪奪而不可得松石孫元長以贈蔣伯生伯生出以  
見示先有翁覃谿前輩題句屬爲繼聲

造象始自拓跋世楊大眼爲孝文帝歷隋至唐不勝計彌勒釋迦  
迦爭偉麗此獨縮本龜屬文高可二寸寬八分雙龍蟠其上額刻  
紋慈阿逸多垂寶雲天寶五載鎔鑄勤下爲蒼生上明君是時  
開元政全失玉林陰靈翳白日太阿倒授與鬼蜮吉絍羅鉗身

劍密傾危東朝借羅織國本幾搖金玦泐前星返輝臨北極扶  
翊乾坤猶佛力佛身雖小佛力長鼻紐孔出旃檀香蔣侯敬奉  
什襲藏疇其界之武林黃我思豪奪前車王繼覃溪老題詩章  
神馳山東石門房王十一娘盧大娘俱天寶方載造  
象在山東寧陽

蔣伯生賞詩閣圖

蔣侯屣脫功名想紙上功名視諸掌獨攬詩中黜陟權別裁僞  
體存真賞西風破屋三數間卽此便是中條山二十四品懸賞  
格叔清子曠都從刪塵世浮雲誰不朽將相殊勲亦何有詩成  
知己一點頭勝似黃金印懸肘騷壇飛將如沙蟲時無李郭眞  
英雄問君新建麒麟閣畢竟何人第一功

天真閣集卷三十三

昭文 孫原湘 子瀟

詞一

看花載酒錄

摸魚兒

和子和感懷舊遊用張蛻巖韻

記良宵水晶屏底窺人紅玉先輭金爐雙炷沉香火不抵豔情  
春燠羅幔卷看不定眉峯一角墮繡扇芳盟燕婉算身到蓬萊  
未應知道碧落水深淺銀河痕暗了神妃雨館花叢回顧都  
嬾寒雲偶結高唐寢易被曉風吹散渾不見祇落得斜陽衰艸  
成廢苑尋春恨晚縱寶馬重嘶青禽已杳人遠比天遠

三部樂

子和有登高之約次韻促之

遠山撐骨戴一縷瘦雲半空搖兀不登高去何以消除幽鬱偏  
是青女多情把落霞萬縷繪樹都活絕妙畫圖畫裏可無人物  
多君寄我好句約碧峯頂上共聽秋雪何時載花榼酒清愁  
須祓漫思量玉簪繡縠勸行樂孤墳斷碣今日可惜且共守一  
天明月

點絳脣

吾谷楓林下弔吾家西川翁

颯颯蘿衣半林落葉西風埽墓門衰艸石細人行少  
然泉下詩冤渺橫斜照數株霜飽也算前朝老

醉花陰

和竹橋丈春晴探梅

幾縷停雲拖樹重春氣還如癢踏溼過西家竹外枝斜早有生

香動柔風乍解冰霓涼影瘦煙微  
正好是初明莫待重來  
雪繙閒階縫

小桃紅

阻風江口登北固樓晚眺

柳色催人去  
風色畱人住  
如此江山不堪醒  
眼獨尋秋語看  
橫空一雁瘦于雲  
帶詩情徑渡  
試問樓前樹可識  
儂前度六曲  
闌干一番憑眺  
一番情緒只金焦  
兩點浪花中  
鎖青青自古

疎影

京口懷古

羣山眼碧看寄奴  
此地雄視無敵百戰風煙潮落潮生空江卷  
去陳蹟熊旗虎帳今何處  
臘颯颯新洲蘆荻爭滿城畫角吹寒  
尙作二龍雲色  
經過尋常巷陌艸閒崛起事  
田父能說一聲

興亡付與西風幾曲漁邊長笛年來舊夢鷗無影更莫問百年  
鴻雪算此時不把清尊負了一江明月

霸王驕角

燕子磯

翻江峭壁浴翠寒濤立如雪亂帆千點來與往似相識轉側  
看又別勢如風振翼爲間飛來何日飛去也怎飛得

憶秦娥

江行

孤雲起片帆飛入秋無際秋無際蕩秋一色大江千里玉蟾  
又上東山矣疎星無限相思意相思意一天香寐斷鴻聲裏

蝶戀花

調子和納姬北上

十四十三花拂面打漿迎來桃葉空江遠淡月疏雲簾一扇海棠花底東風軟清曉蠟輝紅未剪曲曲眉峯認取春深淺弱柳千絲鸞百轉如何邀得輕帆轉

賀新郎

宿小雲棲寺

放了閒雲去碧玲瓏四圍樹影夜涼慵舞遙指松梢斜缺處明月如盤正補心寂寂銀蟾同古洗淨人閒筆琵琶聽深林山鬼幽篁語寒氣逼蠟花吐市朝此際聽官鼓癡兒應飛不到暗香林鳴輪與螺峯磐石翠生結煙霞伴侶今夕喜雲留人住一片詩竟清如水檢危崖瘦處題秋句誰和我澗谿雨

摸魚兒

淮南舟中端午因憶故鄉景物

甚江潮只流歸艤如何流得愁去丹榴刺眼篷窗熟省起故鄉  
時序攜綠醑約點點春情爭趁飛鳧渡山邀醉舞向萬頃涼波  
碧雲深處笑共藕華語孤舟泊聊把鸬鷀汎注閒看茅舍兒  
女夕陽西下淮流北送了少年無數聽杜宇似勸說詩人祇合  
煙波住思歸又阻把鏡裏湖圓睂邊峯秀讓與老漁父

步月

八月十六夜同子和筠樵子山子偏踏月至鬱羅蕭臺  
聽道士吹鑪盡三鼓乃返

洗出瑤空一泓秋水一珠徐吐其閒醉尋詩語攜手向青山正  
花氣冥濛作霧露幾點烟外螺鬟空明裏班窗謝館都不似塵  
寰  
姗姗風過處笛聲捲碎玉飛入雲端月斜人靜清極不知  
寒歎千里冰輪涌現有幾人同此清歡分途去依然共對水晶

盤

摸魚兒

題竹橋吳丈小湖田樂府

愛西湖一圃寒碧此中殊有佳語鶯班辛苦鄉裏立何似伴他  
鷗鷺移櫂去歌緩緩東風引入桃原路吹簫自度把水上諸峯  
墨雲題徧化作瘦蛟舞鑾坡客幾箇能知此趣煙波隨處客  
與清聲喚徹瑤臺雀柳外曉鶯都住從聽取有井處都知手拍  
花間句山光四顧且盪漿中流小紅低唱靜按玉琴譜

廣美人

湘簾捲水朝寒重萬象春如縗東風忽埽白雲開對面青山一  
角自飛來杏花狼藉依芳艸紅雪無人埽江山滿眼是新愁  
只好閒和燕子訴樓頭

南浦

杏花邨圖爲陶廣文賦

紅醉綠酣邊影逝離一扇青旗風小凝有酒香來前邨路雙燕  
拂花先到閒情寂歷任他春意枝頭闊遙聽提壺林外喚似勸  
玉尊須倒看花爭說長安問年年陌上紅塵多少生長是江  
南煙波煙官亦是江南好頭銜漫笑杏花壇配先生埽香徑平  
鋪紅雪軟絕勝醉眠芳艸

賀新涼

小病初愈清秋致佳同子山子偶遊小石屋登西嶺最高而還

佛土空山淨被清風紛紛簸弄白雲秋彫多少塵緣應付與落葉哀蟬喚醒心一片澄潭俱定石濺水花巖壑暝坐松陰空翠

霜衣冷搜峻險杖能領 憑高頓失愁兼病吐蘭襟虹覽萬丈  
半天霞靚我欲身騎元崔去笑舞圓靈水鏡清嘯發人間深省  
雁背夕陽紅一點帶蒼蒼海色連秋緊歸去也月前弓

洞仙歌

秋暮與子侶子梁泛舟湖田煙水瀰漫菰蘆蕭瑟青山  
倒影白雲瀉空扣小巷索茗汁暫憇歸飲城西酒墟白  
日落矣

重陽過了展晴波如鏡料理漁竿放煙艇趁鷗涼選癢魚老吹  
花蘆雪裏一片秋聲先等 禪扉閒欵寂花雨續紛古佛香清  
發深省不道艷情撩白社鐘魚徐敲動灑巾清興恨返櫂斜陽  
忒匆匆錯一角煙鬟未容看近

探春慢

春日同呂叔訥登崑山憇曇花菴時白日欲落殘梅亂  
飛俯瞰城中喬木蒼涼池臺明滅臨風感慨不能已已  
磴老盤青峯寒皴碧人穿空翠如沐萬瓦浮煙孤城照水放眼  
一時春綠幾處園林古被黯淡雲迷金谷祇餘無數梅花晚風  
天外飛玉長笛莫吹哀曲已殿角懸鈴清怨相觸花木榮枯  
亭臺興廢都付夕陽沉澁滴盡詩人淚化不得碎珠盈掬且慢  
歸休回看山黛微蹙

憶舊遊

玉峯樟園爲徐立齋相國別業今屬沈氏其中樟樹約  
四五百年物偶偕徐嬾雲過之池臺零落而喬木無恙  
問平泉舊事水外斜陽黯澹無言欵到雙扉綠牋荒臺古榭吹  
不成煙仙人紱佩零落飛去向誰邊笑老樹無情更番入劙兀

自長年 淒然看花處但密網蛛絲亂繡苔錢舊日烏衣燕尚  
隔枝遙睇尋取湘簾誰將百歲幽恨分付與流泉甚與我和平  
婆娑樹下擔貁寒

南浦

徐嬾雲今宵酒醒圖

沉醉已難堪強起時江聲送客如雨休更說明朝輕帆影卷我  
片帆飛去除非更醉夢中尋箇排愁處寢緣奈阻偏水闊天長  
一聲清杵 追思昨夜心情記吹酒爲花交杯成語願得化萍  
圓前生事猶繞謝嬾題句空堅後約幾時重過消魂路曲關院  
字念只有涼蟾照伊醒否

石湖仙

吳竹橋儀部閉戶著書圖

庭深苔古臘空翠如煙飛上詩句翦水不成愁喚天風閒和松語桃原何在我自愛古香中住分付把夕陽冷鎖花塢此中靜多歲月與佳人相忘歲莫燕子歸來門外方知春去無限湖山無窮煙樹一囊收貯除舊雨清聲隔竹敲戶

摸魚兒

蘇臺校書杜畹蘭琵琶爲教坊第一洪稗存前輩有詩贈之余未識杜讀稗存詩如聽四絃秋矣爲填此曲

似相逢雁門龍塞驚沙飛撲燕玉穹廬帳外邊聲苦飛上杜娘絃索才讀曲已不覺輕衫點點秋恨綠何當坐促倩小撥檀槽四條水上并瀉淚千斛天涯事多少淒笳怨筑秋聲一一如哭幽并老將今誰是鼙鼓夜驚林谷吾輩福猶得把輕攏慢撓消晝燭蛾眉翠蹙縱冷落門前還勝抱月屈膝向金屋

又

袁蘭邨參軍宦遊邗江懷想家園作秋寢樓圖寄意子  
自隨園先生歿不至園六年矣循圖撫玩恍如策馬西  
州不勝今昔之感蘭邨自題摸魚子一闋從而和之不  
減山陽夜笛之聲矣

借揚州二分明月送君歸寢飛渡水深祇怕蛟龍得不怕大江  
攔住秋已算秋只在紅樓一角無人處憑欄四顧賸六代睂痕  
雙湖鏡影幾片冷雲護 圖中樹我亦曾經折取寒香猶繞詩  
句一從陂杖飛仙後谷柳岸花都古君又去便絮酒空山誰指  
先生墓情緣待補判寢趁寒潮追尋宿艸或者與君遇

瀟湘逢故人慢

隨園訪蘭邨不值留宿雙湖聽雨感舊

雲停何處空一襟古思搖蕩燈青猛雨太沉沉灑松柏蕭蕭如  
在西冷詩仙老去甚湖波綠到如今當時寢過橋衰柳厭人舊  
迹重尋今寄酒容易醒盼歸人一更數到三更點滴到天明  
料人隔空江也自愁聽商飈又起只相看燭淚還零明朝認敗  
荷殘葉定應碎似秋心

蘇幕遮

康起山秋窗話雨圖

浪花圓萍葉聚人帶秋來秋在愁來處山色攔秋秋不住商畧  
寒雲又下黃昏雨雨蕭蕭蟲絮絮切切嘈嘈攬和離情緒語  
到無情情更苦雨也無聲蟲也都無語

疏影

小春日同呂叔訥杜梅溪過東郭郎氏看菊時新月乍

流寒香滿庭主人治具相欵籠燈照花摘瓢入酒主人  
固精六法四壁煙雲皆出椀下余樂其隱居之風陶然

逕醉擊甌而歌

斜陽戀逕傍短籬偃蹇來弔秋影冉冉寒香淒欲成煙無言看  
到孤暝新蟾劃碎琉璃碧早躍過盤龍松頂間閉門一片秋心  
可與此花同冷難得清尊對賞然明照古豔林籞都靜爲語  
幽姿莫向朱門只恐安排非稱今宵不飲何爲者怕月定嫌人  
蘇醒好醉循壁畫題詩界破綠波千頃

解語花

陳俊卿秀才納妾芸娘定情之夕彭甘亭贈詩云阿儂  
消瘦倦花顛新懺紅情向紫煙恰似東坡焦葉畫但看  
人醉也欣然俊卿寫看醉圖索題此解

瓊奩帶月畫燭移星春入簷峯淺嫩寒如翦熏爐小剛爇定情  
香燠芳名試喚緣早注夜來相見準備教鴛鴦書城付與妝臺  
管偏是筵長漏短聽如雷顛態紅燭都閃玉壺春滿斟還緩  
脈脈暗將伊怨東風半面鎖隔著晶屏偷看只酒人何福消除  
邀箇人醒眼

滿庭芳

黃蕡圃讀未見書齋同汪滌雲張子和陶鳧鄉分韻

巷曲雲停門深柳掩訪君還訪君書古香吹滿花氣轉清疏要  
洗雙眸似月先教取塵寢刪除油幢碧專城坐領比得此閒無  
招呼新酒伴紅燒燭短綠吸杯餘聽一片秋聲如隱寒蘆何  
事親探禹穴嬌嬪祕只在窗虛拌沉醉胡牀跂腳竚亦化蟬魚

明月櫂孤舟

秋泛過野人家看菊

野水寒雲孤櫂去但逢簪好花須住自驚低迎紅橋淺泊先有  
冷香飛度小市秋聲淒欲雨菰蘆裏瘦秋共語笑插疏枝閒  
乘醉影呼取月明而舞

念奴嬌

西湖寓樓作

小眠樓穩正風吹詩寢冥冥飛到鷗外一枝仙笛冷驚起飛花  
來攬湖水湖烟湖雲湖樹總是春愁料危闌休倚六橋紅了殘  
照還問紫陌黃塵爲誰忙殺日逐霜蹄擾倦客身如隄上柳  
臥聽南屏鐘早蘭艸詞香梅花賦艷儘受青山笑月明知我一  
尊呼共傾倒

又

天眞閣集卷三十一  
九  
殘臘赴上洋訪李安之歸佩珊伉儷見示新詞丁當清  
逸使人歎李易安復見矣輒和一首

乘濤載雪浪花中搖蕩扁舟詩思偕取春風先十日吹我飄然  
而至縹渺雙臺瓊瑤一鏡海色當窗起詞仙妝閣玉梅都帶仙  
致剛值柳絮吟安黃花比瘦響落琴邊胞鏤雪園香纔半幅  
包得英雄清淚玉管裁雲銅絃彈月輪與蛾眉翠天寒孤倚幾  
竿脩竹增媚

又

下榻雙管艸堂與安之佩珊煎雪敲冰客愁若洗明朝  
挂帆欲去便將計偕鞭絲塵轍不知重溫清寢當在何  
時用前調識別

梅肥月瘦弄清寒閒鎖壺中幽翠老崔盤空秋不語也助停雲

離思墨雨香濃簾波綠淨此後思量地霜風如翦碧天彈與清  
淚 佗日鴿字眠蠶瑤函鸞何補今宵事就便重來來亦去  
爭似今番休至鷗外沙涼鴻邊雪盡有癡如何寄一帆行也海  
波明鏡千里

又

北行前一夕贈別內人

明朝行矣趁今宵欲雪何如歡飲天半瓊簫吹宛轉偏送傷心  
人聽羅與浮離湘和沅隔萬疊春雲恨東風搖颺幾時花癡吹  
醒 窗外一樹寒梅嫣然微笑相對還無分帽形鞭絲塵拂面  
卻要今番消領團絮詞香釣蘭墨輒拌取歸覓認碧桃閑落玉  
樓芳信須準

昭君怨

寶應道中見梅花

絕不相逢伊處還想爲伊歸去歸也旣無從莫相逢得見索須長見暫戀何如休戀昨寢尙嫌多見如何

燭影搖紅

和蘭風韻

鄉夢來時客車搖曳如蘭槳夕陽紅不到江南共我離心渺茫憶年年畫舫倚東風春情共賞莫言人而只是桃花也堪思想脩到花枝一生不受黃塵漲況他花裏小瓊樓回首眞天上儻見柔絲翠颺切休因天涯怨恨客愁雖苦遙語蘭香客還無恙

揚州慢

寶應道中梅花繁豔而有點慘之色念其淒清憐其零

落旣墳昭君怨一闋登車後於黃沙白艸之中結念彌  
摯因見蘭風所作再和其韻悼花耶悼人耶抑自悼耶  
孰能辨之

如此梅花此閒籬落相看已自傷心况纔逢又別但怨笛聲聲  
便開到東風二月臘香零雪分付何人料年年飄泊春心都委  
輕塵欲行且住也明知無謂癡情縱隔斷仙蹤羅浮寢好猶  
許人尋慢說幾生脩到真脩到想只如今更須知如有來生肯  
負今生

念奴嬌

和王仲瞿白溝河壁間之作

片雲歸去問煙波何處相逢西子一翦橫波星樣小勾得英雄  
心死簪筆螭坳提戈虎穴談笑皆餘技惟情難了玉蠶除死方

已 拗取花底鶯眠香邊蝶醉消盡覩如水只願弓鞍幫上繡  
不願虛名青史半枕烏雲滿奩紅粉老却神仙矣仰天微笑惱  
人春色如此

又

題朱檢討竹垞圖卽用集中原韻

鴛湖春燠訪南垞風月曾同鷗泊幾片叢篁寒翠死蕭颯吟覩  
應託琴趣人亡笛漁仙去誰繼先生樂煙雲還在展時金粉零  
落 還待樂府絃神竹枝招些小薦溪筆酌回首傾脂橋畔路  
隔了筠屏花幙載酒豪情曝書高致流水同歸壑重撫貞本碧  
雲添寫樓角

又

嘉慶壬戌十月之望與諸子泛舟西湖脩東坡復遊赤

壁故事繁霜初降林翠欲丹沽酒斫鱸揖山而飲時楚  
氛未靖凌客將往參制軍幕短衣從軍慨焉有澄清之  
志爲歌大江東去以壯其行

宋時王成到今年一十三番重值得似東坡人物否隨處江山  
赤作平壁萬里霜天一湖雪浪清氣誰消得當前賓主碧空孤雀  
能識還念西塞山前頻年戰鼓殺氣寒空黑盡此尊中君竟  
去白馬書生無敵鄂渚煙雲晴川艸木盡助陳琳檄功成談笑  
大江惟取風月

憶舊遊

朱野雲山人遊京師極樂寺見殿後斷牆半壁清綠斑  
然如古錦舊畫不可名狀寒苔瘦艸紅碧細果紛挂其  
上歸而作圖石敦夫大令爲製沁園春一闋山人卽以

圖貽之敦夫來屬題

問何年雨電點罷龍晴飛去神龍臘了閒泥塊縱天荒地老化不成峯任他九年當面難破障重重是鐵腳銅根推排不倒倚傍都空  
瓊瑤記曾見在撲棗籬邊窺宋樓東幾處曾兵燹早墮椒零粉雲斷無蹤塊然此何神物敢敵老西風把不壞秋心黃昏訴出憑亂蟲

又

野雲又於城南太清觀見枯樹臥庭廡閒離奇樛葛有窟陷處產菊四五本花頗繁衍與斷牆并爲一圖

想虬枝隱月翠葉敷雲極盛當年閱盡春人古贗槎枒老幹倦學龍眠北風夜鳴如虎愁殺半根穿怪野菊何心浮生若寄兀自蕭然畱連猛思省儻採作雕梁終化雲煙暫躲雄雷劫借

荒庭一角儘自寬閒百年已拌淪落交與瘦秋憐縱朽到根株  
婆娑古意還自全

念奴嬌

新春載雪訪雙管艸堂次壁閒韻

一襟清思玉毫光替得遙空蟾色銀燭雙搖紅豆小簾外東風  
無力昨夜孤山梅花千樹香自君心出零星仙縷乍驚翠羽啁  
唧應笑偏我來時雪飛如玉妝徧瑤階級水墨長天春不漏  
一點詩情難匿吹酒生花敲冰成韻那顧霜威裏愁深香淺綠  
窗寒鎖春窄

一萼紅

寫梅寄道華

記臨行折一枝如玉親遞與行人細語輕憐低聲婉祝此去仙

苑看春乍攀得瑤臺珠樹料俊眼應喜慰逡巡歡便歡然還愁  
花落瘦了吟身芳信北來何杳早銀灣一角畫出秋新眼底  
春消晝邊月冷誰與鸞鏡分顰縱不念長安人遠也應思遊子  
定思親寫幅寒香寄與到又秋深

賀新郎

假旋出都同平叔作

時東巡

聖駕盛京

手折春明柳認來時黃輕碧淺額眉纔秀乍得金屏歸音準雲  
已將秋畫瘦趁兔月剛圓時候小艸乍霑天家露繡銅鋪一路  
紅心透丹闕在重回首盧龍塞外西風驟想凌河雕輪細碾  
綠玻璃厚賓雁南飛江天煥那識瑤花似手清瘦落菰蘆邊久  
敢說純鱸張翰思且黃花歸奉崔邠母聽曉柝誤宮漏

水調歌頭

袁蘭邨於石城舟次送楊蓉裳歸梁谿送姚春木入蜀  
作圖紀事屬題此闋

白下萬條柳綰不住離人一隨江水東下一客獨西行莫趁寒  
潮逕去且泊寒蘆小住篷背夕陽明雲樹八千里風笛兩三聲  
終須別休悵望石頭城今宵酒醒何處落葉未堪聽山外愁  
心千疊鷗外離情千結畫筆畫難成只畫片帆影水上白雲輕

五絃結同心

蘭邨過訪畱五日而去挈舟送之賦此識別

鷗邊呼癢雨外尋詩臨行且泊汀沙十載重相見人依舊天上  
瘦了桃花與君同此秋心冷秋如約先在蒹葭秋聲裏燈昏酒  
醒一帆又去天涯百年幾番歡聚爭聽風聽水聽過年華拋  
卻隨園樹詩仙老秋影自弄橫斜他年重晤聽秋事今宵月知

又誰家還延佇霜天哀角勝聽隔帆琵琶

水龍吟

漁隱圖和平叔

隔谿搖蕩如煙短蘆便有深秋意聲尋境外心遊天外白雲飛  
起洗寢無紅澣詩俱碧夕陽都避問此中誰共有風有月有梅  
雀爲妻子莫放扁舟來艤怕仙原有人偷記酒鄉日月桃花  
身世煙蘿須閉柳浪高飄茶煙低颺霧迷三里把生絹細擬空  
明一片是嚴陵水

瀟瀟雨

改七香少年聽雨圖

一樓絃管寂牋鴛鴦瓦上響琤琤翦并刀不斷簾前密陣簾裏  
柔情任爾紅窗春窄涼逼蠟花生滴碎同圓寢一枕雲醒此

際桃花倦否怕空階繡遍紅雪無聲簾羅帷心事搖曳護花鈴  
想天涯多少孤影被愁聲作弄到天明爭知道是歡娛處不覺  
淒清

賀新郎

送吳星揆秀才之中州

欲勸君休去指長亭打頭落葉北風如虎三十吳郎才似海餘  
子江東幾許被一領青衫擔誤勒馬黃河秋色遠看浮雲落日  
沉千古便不去爲誰住簫條廢苑周秦樹自西園玉簫韻歇  
更無人賦君去夷門尋故壘剔盡苔花翠腐遙酌酒平原君墓  
如此文章誰倒屣上吹臺且共孤鴻語綵筆鬥雪花舞

琵琶仙

暮春同戴竹友賞雨西莊有懷伯淵觀察兄

絲雨蓴波宛描出表聖空靈詩格杯酒遙勸青山飛來趁歌席  
憐翠髻敎雲壓住便高閣望春無力午韻撩禪秋痕刻艤前寢  
休憶儘輸與惺柳擔愁向鷗外梳煙瘦搖碧消得幾番沉醉  
餞春光如客人面遠桃花自近把一襟裹了紅雪爲問天半東  
風共誰橫篷

賀新郎

曲中有慧珠者爲夫已氏訟繫有莘君引手脫之珠卽  
歸君時君將爲旛遊定情之夕捧靨出拜賀以此曲

三五華星朗畫筵前仙雲墮下燭花搖颺贏得酒人雙眼醒醉  
膽一時盡放竟撤了玻璃屏障海底冤沈鮫客淚被天風扶上  
仙人掌珠作月晃羅帳玉郎要打嚴江漿恨天涯如何擎箇  
小蠻同往預把秋帆歸日數商畧芙蓉枕上只此夜人天歡暢

八尺龍鬚儀態好怕無從瞞過銀釭亮偏聽得曉鶴唱

念奴嬌

東坡生日用赤壁懷古調以爲公壽

問公前世是星辰還是天邊明月偷下人間成底事著了拖泥雙屐萬里朝雲一官春寢揮手皆陳迹江山雖改此才安可磨滅  
當日天子憐才憐仍不用用又何曾微幾箇蛾眉工掩裏  
拋得孤臣頭白玉局空除蘇門自嘯老我甘泉石銅琵琶聲肥爲  
公彈破天碧

解語花

嘉慶己卯元夕用清真韻

燈驕晝色酒弄春聲詩謔分曹射露流鶯瓦銀屏煙素月破雲飛下觴持翠雅應勝似虎符親把梅豆香融入東風半雜人蘭

麝遙奉 恩輝放夜遍人間韶麗都被陶冶陸簪還把香塵  
滿更想 帝京車馬天如笑也簫鼓裏萬聲歡謝看未闌天上  
春光憑幾時遊罷

翠樓吟

已卯花朝集飲燕園古梅下催花喝月酣嬉淋漓酒半  
諸子婆娑起舞曼聲而歌霜禽下窺池魚出聽撫良辰  
之難得恐俊侶之不常因念伯生遠宦未獲同此古歡  
追溯昔游不能無感於後會

嶂插新屏圓開古畫春晴繡出詩意梅花能勸客訝蝴蝶先人  
而至清寒消未看側帽承香披襟兜翠東風嬪俊遊誰續且拌  
今醉 可記招手雙臺把薜蘿帶幾番料理白雲飛去遠賸  
雙燕雕梁歸睇煙波高寄但靜悟魚歡閒知鷗味非遊戲片賢

鴻爪半琴尊裏

摸魚兒

重至毓文書院殘紅盡矣循覽壁閒脣卿羲人用辛稼  
軒韻題句淒婉如不勝情益觸余傷春懷舊之感

臉陰陰碎雲流地東風難埽將去春痕漸潛春歸近聞了蝶蜂  
無數行且住還認得綠邊一綫驚紅路間誰解語有幾箇金鈴  
空枝搖動閒觸鎖相繫繁華癡莫道飄零自誤長開天亦應  
妬美人早死恩翻在落得教人淒訴歌共舞總爲著千秋芳怨  
埋香土濃陰更苦枉自替人遮閒吟冷諷都是恨伊處

長亭怨慢

洋川送春

更誰替殘紅爲主染得天涯綠陰如許不管淒涼尙餘蝴蝶弄

飛絮暗聞流水何處是春歸處縱不放伊歸也沒許吹花還樹  
已去奈柔情未了欲倩亂山圍住流鶯笑客枉自向夕陽低  
訴但拾取幾片殘霞又旋化春愁無數算只有垂楊能畫今番  
離緒

探春慢

至山堂後荒庭煙艸中綠蕙一枝挺然而秀雨後撥雲  
得之渺渺兮余思矣

濃雨欺愁亂煙妒寢空林誰耐高秀徑絕人窺雲迷蝶訪纔任  
幽香微逗經凍經摧折又經過傷春消瘦漫嫌叢艸爲鄰芳心  
偏愛孤透非趁閒中細認料冷寄春情肯向春剖便護珠旛  
教移金屋試問受人憐否無奈相憐意有一半山眉先皺更想  
巖坳雙眸何限孤負

綠意

登生雲閣晚眺濃綠無際亂山圍繞而已悵填此解從玉田之名律則仍遵石帚

憑高四覓但片雲以外空水如滴不是羣峯重疊遮攔春愁望更無極東風已謝人間事任翠障晴天都溼臘夕陽一點孤紅自逗亂煙明滅猶記韶華正好嫩寒淺寢裏微弄新碧幾日高眠冉冉低枝長過玉樓檐隙還愁深院佳人意轉忘卻落花淒絕等小窗楓葉回丹已是莫秋時節

月下篷

月午櫻夜聽小蓬萊笛聲撚觸舊感倚欄無寐雙喪閒不知是露是淚也

正苦相思淒淒怨抑透人心裏窗虛似洗被風關又還啓芙蓉

不語長松默讓橫玉清舒夜氣賸閒雲一縷無情有約  
纏裹天際兜起花陰地拂豔雪通身拍聲同記當時稱意種來  
今夜雙淚殷勤須仗南飛誰問孤寢燈前斷未定知我爲月明獨自  
畫欄尚倚

洞仙歌

山樓臥月爲笛聲所醒明日見羲人睂卿聯句詞卽和  
其韻

吹燈聽月郤月來人寢一枕涼波抱花影爭閒乘風去旋引風  
回尋不到昨寢羅浮仙境數聲仙笛冷穿水穿雲似比前宵  
更淒緊縱不管人愁百尺樓高也應念裏羅涼浸更不信桐間  
露珠寒有雙影低徊畫欄偷凭

探春慢

維摩探梅歸飲言依山參軍孟晉齋

煙埽濃寒柳搖瘦碧東風吹破山癢隔澗尋鐘穿雲廻閣拂拂  
暗香先送纔放三分雪早一白巖坳無縫此時不把金尊酒星  
天上飛動還問山中舊樹曾幾度看人橫笛清弄崔頂空蟠  
此枝漸屈老我不堪狂縱無奈花如笑又勸瀉玉壺春凍努力  
花前醉呼明月來共

惜紅衣

客泮川三夏未見萬花滿眼亂山疊恨而已呂生健菴  
邀遊江邨竟日徘徊紅香中飄飄乎如在隱湖葭荻閒  
矣依白石自度曲急管歌之以促歸思

翠障身環紅香寢隔豔情消歇洗眼秋明沙禽舊相識煙波媚  
影貪照見詩人巾韞蕭瑟深樹早涼稱花間吹笛纔歌又咽

天眞閣集卷三  
九  
迴望雙湖風鬟奈岑寂停嬌弄怨悵別渺誰說可惜一襟芳思  
空付冷雲收拾待寄書鷗鷺畱取半灣秋色

洞仙歌

月午樓月夜聞笛有懷姦人去年

是誰幽怨把玉龍閒引搖碎花冤一簾醒問去年明月料否今  
年單照見顚頷天涯孤影 開窗推月去涼露如煙分付眠鴉  
自消領推不去愁聲宛轉屏山竟搜得癡無蹤影索更敝疎櫓  
到天明看素女雲中伴人淒聽

長亭怨慢

畱別月午樓

漸聽到秋聲如雨便不催歸也須歸去喚起朝霞斷紅猶自戀  
高樹隔林鐘杵催纓出雲眠處山色儘畱人未肯爲青山留住

一路看秋花瘦了別意問花知否瓊樓縱好勝慘澹月痕窺  
戶最可惜來歲春風誤雙燕飛尋詩句任一點秋心閒蕩夕陽  
無語